



2006 йил 31 августдан
чоп этила бошлаган

ЖАМИЯТ

№ 21
(942)
2025 йил
29 май,
Пайшанба

Ижтимоий-сиёсий газета



Ислоҳот

ПОЙТАХТ БУТУНЛАЙ ЎЗГАРАДИ



Ривожланган мамлакатларда кузатилаётган иқтисодий ва демографик ўсиш урғуси шаҳарсозлики жадаллаштиришни тақозо этади.

Айниқса, инновацион технологиялар негизида ақлий шаҳарлар барпо этилиши, янги ноу-хаулар жорий этилиши ва инсон капитали салоҳиятини ривожлантириш каби жараёнлар қўшимча қиймат занжирларини

яратишга хизмат қиласи. Шу асосда шаҳар инфратузилмаси ва меъморчиликда сифат жиҳатидан янги босқич юзага келади.

Жорий йилнинг 14 май куни Президентимиз Шавкат Мирзиёев Тошкент шаҳрида

амалга оширилиши режалаштирилган реновация ва инвестиция лойиҳалари тақдимоти билан танишиди. Мазкур тақдимот, пойтахтимизнинг бош режаси доирасидаги янгиланиш ва қурилиш жараёнларини чукур ўрганиш, уларни амалга ошириш механизмларини белгилашга йўналтирилди.

(Давоми 2-саҳифада)

Замондош

ФИДОЙИЛИК ВА ИБРАТ МАКТАБИ

Юртимизда ҳаётини Ватан тараққиётига баҳшида этган фидойи ва жонкуяр инсонлар жуда кўп. Улар сермаҳсул фаолияти, масъулияти хамда меҳнатсеварлиги билан нафақат меҳнат жамоаларида, балки жамиятда ҳам ўз ўрни эга.

Пайариқлик Сайдвали Раҳмонов ҳам ана шундай фидойилар сафида, десак, айни ҳақиқат. Бутун умрини мамлакатимиз равнақи ўйлига сарфлаган юртдошимиз болалигидан илмга чанқоқлиги билан тенгдошларидан ажралиб турарди.

(Давоми 6-саҳифада)

КИТОБХОНЛИК – УЧИНЧИ РЕНЕССАНС ПОЙДЕВОРИ

Маълумки, шарқда қадимдан аёл муҳтарама она, сингил, садоқатли ёр сифатида ҳамиша эъзозланиб келинган. Шу боис, ҳалқимиз азал-азалдан буюк зот — оналарни улуглаб, Ватан сўзига “Она” иборасини қўшиб ҳам ишлатади. Бу борада шуни таъкидлаш позимки, Президентимиз Шавкат Мирзиёвнинг ташаббуси ва саъӣ-ҳаракати билан кейинги саккиз йилда хотин-қизларнинг ҳуқуқ ва қонуний манфаатларини ҳимоя қилиш, ижтимоий ва сиёсий фаоллигини ошириш, дастурий ишланмалари, инновацион ғояларини қўллаб-қувватлашга юксак эътибор қаратилмоқда.

(Давоми 4-саҳифада)



ТАБИАТНИ МУҲОФАЗА ҚИЛИШ – КЕЛАЖАК КаФОЛАТИ



Бутунги кунда бутун дунё жамоатчилиги табиатни муҳофаза қилиш, экотизимларни сақлаш ва биологик хилма-хилликни тиклашга катта эътибор қаратмоқда.

Ана шундай эзгу мақсадларга эришиш йўлида 1992 йилда Бирлашган Миллатлар Ташкилоти томонидан Биологик хилма-хиллик тўғрисидаги Конвенция қабул қилинди ва ҳалқаро ахамиятга молик хужжат сифатида кучга кирди. Бу Конвенция дунёнинг кўплаб давлатлари томонидан ратификация қилинган бўлиб, унинг амалга оширилиши экологик барқарорликни таъминлашда муҳим қадамлардан бири хисобланади.

(Давоми 4-саҳифада)



ПОЙТАХТ БУТУНЛАЙ ЎЗГАРАДИ

(Боши 1-саҳифада)

Президентимиз ташаббуси билан 2024 йил 24 декабрда Тошкент шаҳрининг 2045 йилгача мўлжалланган бош режаси расмий тасдиқланган эди. Ушбу хужжат шаҳарнинг узоқ муддатли ривожланиш ўйналишларини белгилаб берувчи муҳим стратегик асос бўлиб хизмат қиласиди.

Бош режага мувофиқ, пойтахт ҳудуди учта асосий зонага — консервация, реконструкция ва реновация зоналарига ажратилган. Хусусан, реновация зонаси сифатида шаҳарсозлик ва зилзилабардошлик талабларига жавоб бермайдиган, эски ва камқаватли биноларга эътибор қаратилган. Ушбу бинолар босқич ма-босқич бузилиб, улар жойлашган ҳудудларда замонавий архитектура ва муҳандислик талабларига жавоб берадиган иншоотлар барпо этилиши кўзда тутилган.

Тақдимот чоғида маълум қилинишича, бош режада 300 дан ортиқ реновация манзили белгиланган. 2025–2026-йилларга мўлжалланган биринчи босқичда 65 та лойиҳани амалга ошириш режалаштирилган. Реновация орқали ҳудудлар функционал жиҳатдан бойитилиб, аҳоли учун қулай яшаш муҳити яратилиди, атроф-муҳит экологик жиҳатдан яхшиланади. Шу тариқа, эски ва янги мавзелар ўртасидаги фарқ бартараф этилиб, улар уйғун шаклда ривожлантирилади.

Тақдимот давомида Президентимиз лойиҳаларни шаҳар архитектураси ва инфратузилмаси билан уйғунлаштириш, уларни геологик ва сейсмик таҳлиллар асосида хавфсизлиги нутқаи назаридан тақомиллаштириш зарурлигини тақидлади. Эндилика турар жойлар мактаб, боғча ва дам олиш инфратузилмалари билан бирга курилиши зарурлиги қайд этилди. Шаҳарнинг «ўпкаси» — дараҳтзорлар, «қон томири» эса — ариқ ва каналлар экани алоҳида эътироф этилди.

Янги бош режада Тошкент шаҳри ва унинг атрофидаги яшил ҳудудларни уч баробарга кўпайтириш ва 25 минг гектарга етказиш режа-

лаштирилган. Инновациялар, ўз навбатида, сув хўжалиги инфратузилмасини яхшилашни талаб қиласиди. Тақдимотда ирригация ва дренаж тармоқларини янги бош режа билан уйғунлаштириш бўйича аниқ таклифлар ҳам кўриб чиқилди. Унга кўра, 2030 йилгача 100 км канал реконструкция қилиниб, улар атрофидаги сайилгоҳлар ташкил этилади. Туркияning “Su-Yapi Engineering and Consulting” компанияси билан ҳамкорликда дренаж тармоқларидаги муаммолар аниқланган, аэрофото, геодезия ва ёғингарчилик таҳлиллари асосида мастер-режа ишлаб чиқилган. 2024 йилда 45 та сув тошкенин хавфи бор ҳудуд бартараф этилган бўлса, 2025 йилда яна 34 та ҳудудда шундай ишлар амалга оширилади. Президентимиз ушбу фаолиятни давом эттириб, қамровини янада кенгайтириш, бу соҳада мутахассислар тайёрлаш зарурлигини қайд этди.

Муҳим аҳамиятга молик тақдимотда Тошкент шаҳрида амалга оширилаётган инвестиция лойиҳалари мамлакатнинг иқтисодий тараккиётида муҳим стратегик аҳамият касб этиши таъкидланди. Умумий қиймати 25 миллиард долларга тенг бўлган 717 та лойиҳа шакллантирилгани, жорий йилда шундан 7,5 миллиард долларни ўзлаштириш ва 265 та лойиҳани амалга ошириш режалаштирилгани – бу шаҳарнинг иқтисодий салоҳияти тобора кенгайиб, тармоқлараро интеграция ва диверсификация жараёнлари жадаллашиб бораётганини кўрсатади.

Мазкур инвестиция ташабbusлари доирасида турар жойлар, савдо ва кўнгилочар мажмуналар ва саноат корхоналарининг барпо этилиши нафақат инфратузилмани янгилаш, балки аҳоли учун қулай яшаш муҳитини яратиш, хизматлар соҳасини ривожлантириш, маҳаллий ишлаб чиқаришни кенгайтириш ва экспорт салоҳиятини ошириш каби устувор

йўналишларда кенг имкониятларни очади. Бу жараён шаҳар инфратузилмасини модернизация қилиш билан бир қаторда, минглаб янги иш ўринларини яратиш, маҳаллий аҳолининг даромад манбаларини кўпайтириш ва фаровонлик дарајасини юксалтиради.

Тақдимотда илгари сурилдики, инвестиция фаоллигининг кучайиши макроиктисодий барқарорликни таъминлашда ва иқтисодий ўсишнинг узоқ муддатли драйверларини шакллантиришда муҳим аҳамият касб этади. Жумладан, инвестиция лойиҳалари давлат бюджетига тўғридан-тўғри ва бильвосита солиқ тушумларини оширади, мулк ва ресурслардан самарали фойдаланиш имконини беради, давлат харажатларининг мантиқий тарзда ўйналтирилишини таъминлайди. Хусусий секторни рағбатлантириш орқали ишбилармонлик муҳити яхшиланади, капитал айланиши тезлашади, жорий ва стратегик инвестициялар ўртасида оптималь мувозанат таъминланади.

Мехнат бозори контекстида эса инвестиция лойиҳалари янги иш ўринларини яратиш билан бирга, касбий кўнкималарга бўлган талабни қайта шакллантиради. Бу эса таълим тизимининг мазмуни ва шаклини иқтисодиёт эҳтиёjlарига мослаштиришни такозо этади. Ишлаб чиқариш, хизмат кўрсатиш, ракамли иқтисодиёт, логистика, муҳандислик ва бошқа соҳаларда замонавий билим ва амалий кўнкималарга эга кадрлар тайёрлаш орқали меҳнат ресурсларининг самародорлиги оширилади.

Илмий таҳлиллар ва сценарий моделларига асосланганда, ушбу инвестиция лойиҳаларининг тўлиқ ва тизимли амалга оширилиши яқин истиқболда Тошкент шаҳрининг нафақат Ўзбекистон, балки бутун Марказий Осиё минтақасида етакчи иқтисодий марказ сифатида



ги ролини мустаҳкамлайди. Шаҳар инфратузилмасининг рақамлашуви, бизнес муҳитининг шаффофлашуви, иқтисодий фаолликнинг юкори даражаси ва инновацион экотизимнинг шаклланиши билан биргалиқда Тошкент минтақалараро инвестиция хаби ва технологик ривожланиш маркази сифатида эътироф этилиши мумкин.

Президентимиз таъкидлаганидек, мамлакатимиздаги узоқ истиқболга мўлжалланган кенг қамровли ислоҳотлар, хусусан, реновация ва инфратузилмавий янгиланиш лойиҳалари, фақатгина давлат органлари ташаббуси билан эмас, балки хусусий сектор, маҳаллий жамоалар ва фуқаролик жамияти институтлари билан ҳамкорликда амалга оширилганда юкори натижалар беради. Институционал ҳамкорликнинг очиқлиги, хисобдорлиги ва фуқаролар манбаатларини ҳисобга олган ҳолда юритилиши шаффоф, инклузив ва барқарор ривожланиши таъминлайди. Демак, инвестиция фаоллиги нафакат иқтисодий кўрсаткичларда, балки ижтимоий мувозанат, экологик барқарорлик ва инсон капитали салоҳиятида ҳам ўз аксини топади.

Абдумалиқ ТУЛЯГАНОВ,
Тошкент давлат иқтисодиёт университети мустақил изланувчиси, PhD



Ёшлигим олис овулларда ўтган. Тепаликлар бағрида жойлашган, туманлар бағрида яширинган, гүё ўз вақтида тұхтаб қолған бир жимжит маскан эди у. Қишлоқнинг ҳар куни хўрозд қичкириқлари, қушлар сайраши билан бошланарди. Бизга яқин қўшни — Марҳамат опа бўларди. У киши бошқалардан фарқли, озода, меҳнатсевар, эътиборли ва шу билан бирга мактабда ўқитувчи ҳам эди. Болаларни билимга ошно қилишда у кишига етадиганлар кам эди.

ҲАЁТ МАКТАБИНИНГ ЧУСТОЗИ

Дарсда ҳам, хонадонда ҳам у бир хил — тинимсиз, интизомли ва на зокатли аёл эди. Эри шаҳарда катта лавозимда ишларди. Катта ўғли университетда, ўртанчи ва кенжаси эса мактабда энг аълочи ўқувчилардан эди. Улар оналарининг ҳалол меҳнати ва орасталигидан камол топишганди.

Марҳамат опа ҳар куни сахардан кийим юварди. Чинор соясидаги ҳар бир ҳаракати ўтмиш доғларини ювиб ташлаётгандек бўларди. Қишлоқ аёллари эса бунга эътиroz билан қарадилар: “Сешанба куни кир ювилмайди”, деб ирим килишарди. Улар, гүё, Марҳамат опа бу иримни билмайди, деб киноя қиласарди. Аммо Марҳамат опа ирим-сиirimга берилмасди. У илм эгаси эди. Ақл ва тозаликни, меҳнатни иримдан устун кўярди. Ҳовлисини, фарзандларини, ўзини ҳамиша озода тутар, ҳар бир ишда намуна бўларди.

Ёдимда, у болалари уйга бирор эски, ёмон ҳолатдаги нарсани — терсакми, синик ашёми — олиб

келса, каттиқ койир эди. “Эски нарсаларни уйга ташиб юрманлар, янгиға интилиинглар,” дерди. Мен эса ўшанда хайрон бўлардим: “Эски бўлса-чи, ҳали ишлатса бўлади-ку”, деб ўйлардим.

Йиллар ўтди. Ҳар бир ўтган йил, ҳаётда тўқнаш келган синовлар менга тушунтириди, у фарзандларини шунчаки синик терсакдан қайтармаган. У уларни эски фикрлардан, тўсқинчи қарашлардан узоқлаштириб, янгиликка, янги мэрраларга, катта мақсадларга интилтирган экан. Эскига андармон бўлиб юрмасликни, доимо яхшилик ва тараққиёт сари қарашни ўргатган экан. Ҳозир ўйлаб қарасам, унинг барча ҳаракати — тозалик, интизом, янгиликка интилиш — фарзандлари учун ҳаёт мактаби бўлган. Ҳар бир оқ кўйлакни оқ қилиб ювиши, ҳар бир меҳнати орқасида тарбия ва фалсафа бор экан. Ёдимда, ҳар баҳор остонасида қишлоғимизда сумалак тайёрлаш одат эди. Бу ишнинг бошида албатта Марҳамат

опа турарди. Оламга сумалакнинг хушбўй хиди эмас, бирлик, меҳр, муҳаббат тараларди, гўё. Лекин у киши оиласи билан шаҳарга кўчиб кетганидан кейин сумалак ҳам қайнамай қўйди. Қозонлар исиб турса-да, олдидаги дўстона давраларда Марҳамат опанинг илиқ сўzlари этишмай қолди.

Эндиликда англайман: аёл кишининг гўзаллиги фақат юз-кўзида эмас, балки унинг кўлидаги меҳнатида, хонадондаги фароғатда, фарзандларининг юксак орзуларида намоён бўлар экан. Марҳамат опа эса ана шу гўзалликни қишлоқнинг ҳар бир мўтабар тонгларида, ҳар бир тарбияли сўзида безатиб яшаган экан. Бугун мен Марҳамат опани зеҳнимда эмас, қалбимда ёдга оламан — у аёл эмас, у ҳаётнинг ўзи эди.

Марҳамат опанинг қиличдек тартиби, юракдай илиқ дафтари мудом болалик ўйларим бўлиб қолаверади.

Элбек ШОЙИМОВ

КИТОБХОНЛИК – УЧИНЧИ РЕНЕССАНС ПОЙДЕВОРИ

(Боши 1-саҳифада)

Зиёли, китобхон аёл — жамиятнинг тараққиёт йўлини белгилаб беради. Чунки айнан у болаларни тарбиялайди, онги, дунёқараси, билим даражасини шакллантиради. Қиз бола олий маълумотли бўлса, юксак билим ва салоҳият эгасига айланса, буни келгусида фарзандларига ҳам сингдиради. Ҳар томонлама баркамол авлодни вояга етказиш масаласига масъулият билан ёндашади. Чунки аёлга табиатан авлодлар занжирини давом эттириш ва миллатнинг қадрини кўтарадиган фарзандларни тарбиялашдек улуғ ва масъулиятли вазифа юқлатилганлиги барчага аён. Аёл кишининг китобга ошно бўлиши, зиёли бўлиши унинг оиласи, фарзандлари маданиятли бўлишига замин яратади. Шундай экан, шукrona туйгуси билан яшаш ва қизларимизни ўқитиш, уларни қалбida китобга меҳр уйғотишни кун тартибидаги биринчи масала сифатида белгиласак, юртимиз ривожига улкан ҳисса қўшган бўламиш.

Нурота тумани умумий аҳоли сони 86405 нафар бўлиб, шундан, 47202 нафарини хотин-қизлар ташкил этади. Туман марказида 45788 нафар аҳоли истиқомат қилса, 40617 нафари - қишлоқ, овул, олис худудларда яшайди. Туман Ахборот-кутубхона марказида жами 13256 нафар фойдаланувчи мавжуд бўлиб, шундан 7302 нафарини, яъни 67%

ни хотин-қизлар ташкил этади.


Биз Янги Ўзбекистонда Учинчи Ренессанс пойдеворини бунёд этиш сари дадил қадамлар қўяётган бир даврда аввало, ўз худудимизда илмли, зиёли хотин-қизлар, китобхонлар сонини янада ошириш йўлида ҳаракат қилишимиз даркор. Яқин-яқингача жамиятимизда “ўқиган қиз шаҳар олиб берармиди, қизлар ўқиши эмас, турмушга чиқиши ўйлаши керак” мазмунидаги янглиш фикрлар тез-тез учраб турарди. Бугун бу қарашлар эскиргани барчага аён. Жамиятимизнинг сиёсий-хуқуқий, ижтимоий-иқтисодий қиёфаси ўзгариб, ҳаётимизда янгича муносабатлар юзага келди, одамларимизда хотин-қизларнинг таълим олиши борасида янги қадриятлар, қарашлар шаклланди. Бу ўткир ҳақиқатни чуқур ҳис қилган ҳолда хотин-қизларнинг таълими олиши ва илм-фан билан шуғулланиши учун давлатимиз томонидан кафолатлар ҳамда имтиёзлар пакети жорий этилгани, янги имкониятлар яратиб берилаётганига тўхталар эканман, жумладан, эҳтиёжманд оиласаларга мансуб қизлар олийгоҳларга давлат гранти асосида қабул қилинаётганини, бир қанчасининг контракт пули ўз вақтида, муаммосиз тўлаб берилаётганига барчамиз гувоҳ.

Қизларнинг илмли бўлишини рағбатлантириш — узокни кўзлаб босилган муҳим қадамdir. Бугунги

талаба қиз – эртанги қунда ўз соҳасининг етук мутахассиси бўлиши билан бирга, илмли, интеллектуал салоҳиятли, кенг дунёқарашга эга фарзандни тарбиялайдиган “она” ҳамдир. Хуллас, миллӣ тарбияни оналарсиз тасаввур қилиб бўлмайди.

Оила ва хотин-қизлар давлат қўмитаси ташабbusи билан ҳар ойнинг 17-санаси “Китобхон оналар куни” деб ўзлон қилинган. Бундан асосий мақсад — китобхон оналар билан китоб ва китобхонликнинг аҳамияти, шунингдек, ёш авлод, хусусан, хотин-қизлар қалбида китобга меҳр уйғотиш кўнникмасини шакллантиришдан иборат. Ана шундай хайрли мақсадларни кўзлаган тадбир натижасида зиё масканида китобхон хотин-қизлар сафининг кенгайишига эришилди, уларнинг қизиқишидан келиб чиқиб янги адабиётларга буюртмалар шакллантирилди, китоб фонди айланмаси ҳам ошди. Ҳар ой бўлиб ўтадиган ушбу тадбир – катта бир маҳорат дарси десак, муболага қилмаган бўламиш, албатта.

Буюк тарихчи, таржимон Абдигек Шерозийнинг айтишича: Агар инсон илм нури билан ўз йўлини ёритмаса, зулмат ва нодонлик кўчасида қолади. Яхши таҳсил кўрган, кўп мутолаа қилган ва илм нури билан ҳулқини яхшилаган аёл ҳар ерда иззат топади. Илм — аёл учун зийнат. Зиёли аёл – ҳеч бир ишда адашмайди. Илмсиз аёл эса бола



тарбиялашда турли хатоларга йўл қўяди.

Масалан, неча йилдирки “Ёш китобхон” танловининг Республика босқичи ғолиблари асосан қиз болалардан иборат. Улар ўз билими, зукколиги билан оиласига, отонасига автомобиль совға қилишатганлигига барчамиз гувоҳ. Бундан ташқари “Жадидлар изидан” Республика миқёсидаги танловида ғолиб бўлиб, Германияга саёҳат йўлланмасини кўлга киритган 14 нафар ёшларнинг кўпчилигини асосан қизлар ташкил этади. Жадид боболаримиз ҳам хотин-қизларимизнинг зиёли-маърифатли бўлишини орзу қилган эдилар. Бугунги кунга келиб уларнинг бу орзулари рўёбга чиқмоқда.

Зебинисо ИБРАГИМОВА,
Нурота туман
ахборот-кутубхона маркази
Ахборот-библиография хизмати
раҳбари



ТАБИАТНИ МУХОФАЗА ҚИЛИШ – КЕЛАЖАК ҚАФОЛАТИ

Биохилма-хилликни сақлаш, муҳофаза этиладиган табиий ҳудудларни ривожлантириш, уларни самарали бошқариш ва бутлигини таъминлаш – халқаро ҳуқуқ нормаларида долзарб вазифалар сифатида белгилаб қўйилган. Бу борада Ўзбекистонда ҳам кенг қамровли чора-тадбирлар амалга оширилмоқда.

Ўзбекистон Республикаси 1995 йилдан бўён мазкур Конвенциянинг тўлақонли аъзоси сифатида, биологик хилма-хилликни сақлаш ва ундан барқарор фойдаланиш юзасидан бир қатор мажбуриятларни ўз зиммасига олган. Мамлакатимизда табиятни муҳофаза қилиш, экологик барқарорликни таъминлаш ва биохилма-хилликни асраб-авайлаш давлат сиёсатининг устувор йўналишларидан бири сифатида белгиланган. Бу борада зарур ташкилий-ҳуқуқий ва институционал база яратилган бўлиб, амалда самарали ишлар олиб борилмоқда.

Айниқса, мавжуд муҳофаза қилинадиган табиий ҳудудларни кенгайтириш ва янгиларини ташкил этиш орқали биологик хилма-хилликни ишончли сақлашга қаратилган чоралар диққатга сазовор.

Биологик хилма-хилликни сақлаб қолиш бўйича Миллӣ стратегия ва Ҳаракатлар режаси тасдиқланган. Мазкур ҳужжатга асосан мамлакат умумий ер майдонининг 17 фоизини муҳофаза этиладиган табиий ҳудудлар тоифасига киритиши режалаштирилган.

“Биологик хилма-хиллик тўғрисида”ги Конвенция доирасида 2019-2028 йиллар даврида Ўзбекистон Республикасида биологик хилма-хилликни сақлаш стратегияси ижроси таъминланмоқда. Амалга оширилган ишлар натижасида республикада муҳофаза этиладиган табиий ҳудудлар умумий майдони 6,4 млн гектарга етказилиб, мамлакат ҳудудининг 14,08 фоизини ташкил этмоқда.

Муҳофаза этиладиган табиий ҳудудларни ташкил этиш ва мавжудларини кенгайтириш, улар-

ни муҳофаза қилиш ва унга зиён етказмасдан фойдаланишда кенг жамоатчиликнинг иштирокини таъминлаш – биологик хилма-хилликни сақлаб қолишида муҳим омил бўлиб хизмат қиласи.

Эътироф этиш жоизки, сўнгги йилларда Оролбўй ҳудудларида биологик хилма-хилликни асрашга алоҳида эътибор қаратилиб, денизнинг қуриган тубида қарийб 2 млн гектар майдонда ўрмонзорлар барпо этилди. Муҳим жиҳати шундаки, ўрмонзорлар барпо бўлган ерларда экотизим қайтадан тикланади, яъни кўчма қумлардан иборат бўлган, қақраб ётган чўл ерлар яшил ҳудудга айланади ва ҳайво-

муҳофаза этиладиган табиий ҳудудлар майдонларини янада кенгайтиришга эришиш лозим.

Иккинчидан, ўрмонларни муҳофаза қилиш ва улардан оқилона фойдаланиш усуулларини жорий этишига кўмаклашиш зарур.

Учинчидан, республикамизнинг барча ҳудудларида ёввойи ҳайвон ва ўсимлик турларини кўпайтиришга ихтисослаштирилган питомниклар ва кўчатхоналарни барпо этиш ишларини жадаллаштириш зарур.

Тўртингидан, соҳада илмий тадқиқотларни қўллаб-куватлаш, мутахассислар тайёрлаш, малакасини ошириш бўйича чора-тадбирлар кўламини кенгайтириш лозим.

Албатта, бу ишлар амалга оширилиши натижасида биологик хилма-хилликни асраш орқали аҳоли учун қулаги экологик муҳит яратилишига, айниқса, экотуризмни ривожлантириш ва юртимизга

“Биологик хилма-хиллик тўғрисида”ги Конвенция доирасида 2019-2028 йиллар даврида Ўзбекистон Республикасида биологик хилма-хилликни сақлаш стратегияси ижроси таъминланмоқда. Амалга оширилган ишлар натижасида республикада муҳофаза этиладиган табиий ҳудудлар умумий майдони 6,4 млн гектарга етказилиб, мамлакат ҳудудининг 14,08 фоизини ташкил этмоқда.

нот дунёси пайдо бўлади. Умум олганда, эндиликда биологик хилма-хилликни асраш борасида амалга оширилаётган ишлар билан бир қаторда, келгусида бажарилиши лозим бўлган қатор вазифалар мавжуд.

Аввало, биологик хилма-хилликни ва экотизимларни сақлаш ҳамда улардан оқилона фойдаланиш манбалари маблағларининг мақсадли сарфланишига ҳамда

ташриф буюрувчи сайёҳлар оқимишининг ортишига эришилади.

Шу билан бир қаторда, келгусида “Яшил макон” умуммиллий лойиҳаси доирасида ҳудудларни кўкаламзорлаштириш, дараҳтлар экиш ва парвариш қилиш, кўчатхоналар ташкил этиш, “яшил белбоғ”ларни барпо этиш борасидаги ишлар самародорлигини ошириш юзасидан куйидагилар таклиф этилади:

Хар бир ҳудуднинг иклими, ту-

проқ шароитларидан келиб чиқкан ҳолда дараҳт тури ва экиш жойлари бўйича белгиланган манзилли дастурлар ишлаб чиқиш;

Кўчатларни парваришлаш ва агротехник тадбирларни молиялаштиришни бириктирилган масъуллар орқали ўз вақтида ва доимий амалга оширишга эришиш;

Ҳар бир ҳудуднинг иклимига мос, кам сув талаб этадиган дараҳт турларидан кўчатхоналар ташкил этиш;

Йирик саноат корхоналари атрофи ва унга туташ ҳудудларда ҳамда чиқинди полигонлари атрофларида “яшил белбоғлар” барпо этиш;

Экилган кўчат ва қаламчаларни касаллик ва зааркундалардан ҳимоя қилиш чораларини кўриш мақсадида ўсимлик клиникаси ва биолабораториялар тизимидан самарали фойдаланиш борасида чора-тадбирлар режасини ишлаб чиқиш;

“Яшил макон” умуммиллий лойиҳасининг амалга оширилиши юзасидан қатъий депутатлик ва жамоатчилик назоратини давом эттириш;

“Яшил макон” умуммиллий лойиҳасининг мазмун-моҳияти, ахамияти юзасидан кенг жамоатчилик ўртасида тушунтириш-тарғибот тадбирларини амалга ошириш;

Ҳудудларда мулоқотлар ўтказиш, кенг жамоатчиликнинг фикр ва таклифларини доимий равиша тинглаб бориш.

Биологик хилма-хиллик – бу нафакат табиятнинг бойлиги, балки инсоннинг келажак ҳаёти, соғлом муҳитда яшаш ҳуқуқи демакдир. Шу боис, уни асраш борасидаги ҳар бир амалий ҳаракат жамиятнинг барча қатламлари учун дол зарб вазифа бўлиб қолмоқда.

**Сайёра АБДИКАРИМОВА,
Олий Мажлис Сенатининг
Аграр, сув хўжалиги масалалари
ва экология қўмитаси раиси
ўринбосари**



ЁШЛАР УЧУН МУХИМ КАДАМ

Замонавий Ўзбекистоннинг меҳнат бозори тобора ўзгариб бораётган рақамили иқтисодиёт талаблари билан чамбарчас боғлиқ. Бугунги кунда, айниқса, рақамили технологиялар, автоматлаштирилган бошқарув тизими ва экологик жиҳатдан хавфсиз, барқарор ишлаб чиқариш йўналишларида юқори малакали, замонавий билимларга эга мутахассисларга эҳтиёж сезиларли даражада ортиб бормоқда.

Шу боис халқаро тажрибаларни ўрганиш ва уларни амалиётга жорий этиш бугунги куннинг долзарб масаласига айланган. Президентимизнинг Венгрияга ташрифи ҳам айни шу эҳтиёж ва стратегик заруратдан келиб чиқкан ҳолда амалга оширилди. Ташриф давомида икки мамлакат ўртасида тажриба алмашинуви, замонавий касб-хунар йўналишлари бўйича ўқув дастурлари яратиш, кадрлар тайёрлашда Европа андозаларини жорий этишига доир муҳим келишувларга эришилди. Бу эса келгусида Ўзбекистоннинг инновацион салоҳиятини оширишда мустаҳкам пойдевор бўлиб хизмат қиласди.

Президентимизнинг ташрифи иқтисодий ва илмий ҳамкорлик доирасидагина чекланниб қолмади. У халқни халқ билан, қалбларни бир-бирига яқинлаштирувчи муҳим восита — маданий-гуманитар соҳада ҳам янги истиқболларни очиб берди. Айниқса, ёшлар алмашинуви, қўшма маданий ташабbusлар, спорт мусобақалари ва санъат фестиваллари каби лойиҳалар халқаро дўстлик, маданий хотира ва ўзаро ҳурмат муҳитини мустаҳкамлашда катта аҳамият касб этади.

Келгусида Венгрия ва Ўзбекистон ёшлари иштирокида адабий кечалар, мусиқа ва кино фестиваллари, ижодий семинарлар ташкил этилиши режалаштирилмоқда. Бу каби маданий алмашинувлар нафакат ўзаро тушунишни чуқурлаштиради, балки ёш авлодни глобал дунёқарашли, толерант, очик

фикрловчи шахслар этиб шакллантиради. Шубҳасиз, бундай алоқалар халқаро миқёсда Ўзбекистон ёшларини жаҳон сахнасига олиб чиқишидаги муҳим қадамлардан биридир.

Юртимизда олиб борилаётган ислоҳотларнинг марказида — ёшлар турибди. Президентимиз томонидан амалга оширилаётган ҳар бир ташаббус, ҳар бир ташриф — ёш авлод имкониятларини кенгайтириш, уларнинг ҳаётга тайёр, замон билан ҳамнафас бўлиб шаклланишига хизмат қилмоқда. Венгрияга амалга оширилган ушбу расмий ташриф эса, ёшларимиз учун илм, фан, тълим, маданият ва касб-хунар йўналишларидан янги эшикларни очиб берди.

Бугун ҳар бир ўзбекистонлик йигит-қиз замонавий технологияларни ўзлаштириш, хорижий тилларни пухта билиш, янгича фикрлаш ва дунёқарашни ривожлантириш сари интилиши зарур. Бу ташрифнинг туб моҳияти — айнан шу йўналишда ёшларимизга қудратли туртки беришдир.

Шуни унутмаслигимиз керакки, эртанди Ўзбекистон — бугунги билимли, ватанпарвар ва фаол ёшларнинг кўлида. Президентимиз очиб берган ҳар бир имконият, яратилган ҳар бир шароитни тўғри англаб, ундан оқилона фойдаланиш — ҳар биримизнинг энг улуғ вазифамиз бўлмоғи лозим.

**Ақбархон СОБИРХОНОВ,
Ёшлар академияси раҳбари,
Халқ депутатлари Тошкент шахар
кенгаши депутати**

ТАЪТИЛ МАРОҚЛИ ЎТАДИ

Миронкул тоғи этагидаги Ўзбекистон касаба уюшмалари федерацияси тизимида қарашли Самарқанд болалар соғломлаштириш оромгоҳида мавсумга тайёр гарлик ишлари ҳар қачонгидан ҳам намунали ташкил этилди. Сўнгги икки йилда соғломлаштириш оромгоҳининг самарали фаолияти йўлга қўйилиб, қатор ижобий ишлар амалга оширилди.

Худуди икки ярим гектардан иборат оромгоҳнинг ҳар бир манзараси киши дилини яйратади. 500 тупдан ортиқ турли мевали ва манзарали дараҳтлар меҳр билан парваришиланган.

— Ёз фаслини болажонлардан-да яхши кўрадиган, зўр хурсандчилик билан кутадиганлар бўлмаса керак, — дейди оромгоҳ раҳбари Фарид Хуррамов. — Бу йилги мавсумда тўрт даврада 400 нафар болажонларни соғломлаштиришни режалаштирганмиз. Мавсум давомида оромгоҳда турли маданий-маърифий тадбирлар, адабий кечалар, спорт мусобақалари ўтказилади. Музейлар, истироҳат боғлари, спорт масканларига саёҳатлар уюштирилади. Шунингдек, танловлар ва спорт марафонлари дастури ҳам тайёрланган. Ашула айтиш, расм чизиш, ракс, тўқиши, дизайн, волейбол, баскетбол, стол тенниси каби турли-туман тўғараклар фаолият олиб боради. Ёш томошабинлар ва қўғирчоқ театрлари ижодий жамоалари, ёзувчи ва шоирлар билан учрашувлар ташкил этилади. Аҳамиятли жиҳати шундаки, табиат бағрида, ўқитувчи ва ўқувчи орасидаги дўстона муносабатларга асосланган дарслар, учрашувлар болада албатта, катта таассурот қолдиради.

Тарбиячилар, мутахассислар ҳамкорлигига табиат кўйнида уюштириладиган саёҳатлар давомида юртимизнинг бой наботот ва ҳайвонот дунёси ҳақида тушунчалар берилади. Оромгоҳда тўртта бино мавжуд бўлиб, чиройли ва сифатли таъмирдан чиқарилган. Чойшаблар, идиш-товорқлар янгиланган. Маънавият хонасида бадиий ва шеърий адабиётлар жамланган. Сув ҳавзаси шай ҳолатга келтирилган. Бир сўз билан айтганда, оромгоҳ мавсумга шай, эрта-индин ўз эшикларини болжонларнинг мароқли ҳордиқ чиқаришга чорлайди.

**Ориф ХОЛИҚУЛОВ,
журналист**

Борлиқнинг ажабтovур қонунияти

Инсон қадим-қадим замонларданоқ сайроқи күшларни хона-килаштирганини биламиз. Бугун бедана, булбул, каклик, канарейка сингари ўнлаб парранда турлари бизга эстетик завқ ато этади.

Лекин, негадир инсоният сайроқи ҳашаротларни кўлга ўргатишга эътибор бермаган. Ваҳоланки, улар орасида овози ширалилари оз эмас. Бунга кора чигиртка билан жизиллоқ (цикада)ни мисол қилиб олиш ўринли бўлар эди. Бу жониворларнинг дилкаш қўшиғидан дилим завқ-шавқка тўлган дақиқалар кўп бўлган. Кора чигиртка кўпроқ шом маҳали хониш қиласди. Унинг бетакрор қўшиғини шаҳарларда ҳам тинглаб қолиш мумкин. Чириллаб қўшиқ айтиши сизга гоҳида чанг, гоҳида флейта оҳанларини эслатиб қолади. Жизиллоқ (уни са-

ратон, ҳам дейишади) бир маромда гижжак чалаётган санъаткорни ёдга солади.

Мен бир маҳаллар кора чигиртка билан жизиллоқни қутичага солиб, олиб юрганман, аммо улар туткунликда хониш қилишмаганди.

* * *

Сиз уни бармоқларингиз орасига авайлаб олинг-у, ўзгача нигоҳ билан синчиклаб назар ташланг. Шунда, табиат чигиртка деган маҳлукни зўр дид ва ҳафсала билан бунёд этганига ишонч хосил қиласми. Унинг кейинги чайир ва кучли оёқлари отникига жуда ҳам ўхшаб кетади, кўзлари бургутникидай ўтқир, ўмровлари кенг.

Бу жонивор вазиятга қараб юради, сакрайди, учади. Агар инсон ўз гавдасига нисбатан чигирткадай сакраганида эди, тўққиз қаватли уй-

нинг устидан ҳам ҳаккалаб кетган бўларди.

Биламан, сиз унинг зарари ҳақида кўп эшифтансиз, аммо табиат учун «заарли» ёки «фойдали» фарзанд йўқ. Шу сабабли бу гал жониворни ўтлоқ орасига беозоргина кўйиб юборинг – ризқини топиб есин.

* * *

Жониворларнинг ўз фарзандига бўлган ҳудудсиз меҳр-садоқатини бир неча бор кузатиб, уларнинг фидойилиги, жасоратидан ҳайратга тушганман.

Маълумки, қалҳат паррандалар билан озиқланади, ўрни келса, товуқ ҳам ташланади. Аммо, бир бор товуқ қалҳатга ҳужум қилиб, уни даф этганига гувоҳ бўлганман. Ўшанда қалҳат унинг жўжаларига ташланган эди – товуқ эса ўзидан бир неча ҳисса кучли рақибга ху-

жум қилиб қолди. Буни кутмаган ийртқич орқага чекинди.

Зах ва ташландик ертўлада кўршапалакнинг ҳали темирқанот бўлиб улгурмаган полапонларига кўзим тушди. Она кўршапалак мени кўриб безовталанди, сўнг мўъжиза рўй берди: у болалари қаршишига келиб ҳавотирона вижирлади ва полапонларини елкасига миндириб олди. Сўнг опичлаганича ертўлани тарк этди.

Табиат, ҳатто ҳашаротларни ҳам ана шундай садоқатдан маҳрум этмаган. Чумолининг инини сув босганида, улар, энг аввало, тариқча келадиган тухумларини олиб қочганини бир неча бор кузатган бўлсангиз керак.

Зурриёд учун кураш ҳам табиат конунларидан биридир.

Нусрат РАҲМАТ

ФИДОЙИЛИК ВА ИБРАТ МАКТАБИ

(Боши 1-саҳифада)

Бу эса уни ёшлигиданёк катта орзулар сари етаклади — аввал Тошкент ирригация ва қишлоқ хўжалигини механизациялаш муҳандислари институтида, кейин эса Тошкент Олий партия мактабида таҳсил олди.

Хаёт йўлини оддий сифатида бошлаган бўлса-да, пок виждан, сидқидиллик ҳамда меҳнатсеварлик уни раҳбарлик каби масъулиятли лавозимларга олиб чиқди. Қишлоқ хўжалиги, партия ва маъмурӣ бошқарув тизимидағи кўп ийллик фаолияти мобайнида у кўплаб эзгу ишларни амалга ошириди.

Хозирги кунда у фаол нуронийлардан бири сифатида ўз хаёт тажрибаси, маънавий кўмаги билан ёшларга устоз ва суюнч бўлиб келаётir.

Дарвоқе, мутолаа — унинг жону дили, қонига сингган. Шахмат унга фикр тезлиги ҳамда ақл чархини оширувчи дўст бўлса, шеърият эса қалбидаги туйгулар элчиси. Вақти вақти билан шеърлар ёзиб, кўнгил кечинмаларни қоғозга тўкиб туришга одатланган. Бу ҳам унинг юксак тафаккур ва билим соҳиби эканидан далолатdir.

Унинг табиатга бўлган меҳри ҳам алоҳида. Янги боғлар барпо этиш, кўчкат экиш, ерга меҳр кўйиш борасида ҳам ёшларга ҳақиқий ибрат мактаби, десак, муболага эмас. Ёш ўғил-қизларни она табиатни севишга ўргатиш билан бирга, уларни “яшил” келажак сари чорлашдан хеч чарчамайди.

Шу ўринда унинг меҳнат фаолияти ҳақида қисқача тўхталиб ўтсан. Саидвали Раҳмонов кўп йиллар давомида қишлоқ хўжалиги ва давлат бошқарувининг турли масъулиятли лавозимларида фаолият олиб бориб, мамлакатимиз тараққиётiga улкан хисса кўшди.

У 1968 — 1974 йилларда Тошкент ирригация ва қишлоқ хўжалигини механизациялаш муҳандислик институтида таҳсил олиш давомида замонавий агротехник илмлар, муҳандислик жараёнлари ва ишлаб чиқаришни бошқариш бўйича муқаммал билимларга эга бўлди. Институтни муваффақиятли тугатгандан сўнг, у ўз фаолиятини тўғридан-тўғри амалиёт билан боғлади. Дастлаб, яъни 1974 — 1975 йилларда Пайариқ туманидаги “Москва” колхозида муҳандис сифатида фаолият олиб борди. Бу ерда у қишлоқ хўжалигига техникадан фойдаланиш самарадорлигини ошириш, техник таъмирлаш ва соҳа ходимлари ўртасида ташкилотчилик ишларига бош-кош бўлди. У ўзини қисқа



вақт ичиди билими ва фаоллиги билан масъулиятли мутахассис сифатида намоён қилди.

Фаолияти янги лавозимлар ва масъулиятли вазифаларга уланиб бораверди. 1975 — 1978 йилларда “Ўзсельхозтехника” корхонасида муҳандис бўлиб ишлади. Бу ерда у қишлоқ хўжалик техникаларини етказиб бериш, таъмирлаш ва техник хизмат кўрсатиши ишларига масъул бўлди. Унинг ташаббуси билан техник ҳолатни яхшилаш ҳамда замонавий ускуналарни жорий этиш борасида бир қатор лойиҳалар ҳаётга татбиқ этилди.

Кейинроқ эса Пайариқ тумани комсомол қўмитасида бўлим мудири сифатида ёшлар сиёсати, маданий тадбирларга етакчилик ҳам қилди. Қарийб ўн йил давомида Пайариқ туман партия қўмитасида инструктор ва бўлим мудири сифа-



АЖДОДЛАР ЙЎЛИ БАРҲАЁТ

Саидвали Раҳмонов

хўжаликларини қўллаб-куватлаш, ердан самарали фойдаланиш ва янги аграр ислоҳотларни амалиётга жорий этиш ишларидаги ҳақиқий маънода жонбозлик кўрсатди.

Бундан кейин эса у Самарқанд вилоятидаги «Агромашсервис» бирлашмасида раис ўринbosари бўлиб ишлади. Бу ташкилотда у қишлоқ хўжалиги техникалари билан боғлиқ хизматларни мукаммал ташкил этиш, хизмат кўрсатиши сифатини ошириш ҳамда ишлаб чиқаришда инновацион ёндашувларни жорий этишга ҳаракат қилди. Ҳаракатлар зое кетмади. Унинг бошчилигига соҳага янги гоялар ва ишланмалар татбиқ этилди.

1998 — 2002 йиллардаги Пайариқ туман МТИ директори ва туман

Юкорида Саидвали акани ёшларга берган таълимтарбияси ҳақида бежиз тўхталмадик. У 2007 — 2010 йилларда Самарқанд давлат лицейида тарбиячи сифатида ёшларни маънавий-ахлоқий, меҳнатсевар ва ватанпарварлик руҳида тарбиялашда ўзининг бой тажрибасини бўлишгани ана шу фикрларимиз тасдигидир.

Кўп ийллик ва кўп қиррали самарали меҳнат бугун ўз самараларини бермоқда. Қаҳрамонимиз қаерда фаолият олиб бормасин, унинг энг олий мақсади ҳалқимиз ҳамда юртимизга фидокорона хизмат қилиш эди. Шу боис у бутун маҳаллада, элда хурмат топиб, эътиборга сазовор бўлди.

Дарвоқе, қаҳрамонимиз икки ўғил ва бир қизни олий маълумотли қилиб камолга етказди. Олти невараси бобоси изидан боришини қатъий аҳд қилган. Айни пайтда Саидвали ака нафақада. Фарзандлари, шогирдлари ҳамда набиралари ардоғида яшашдек улкан баҳтга эришган қаҳрамонимизнинг олийжаноб ишларини бугун фарзандлари, шогирдлари давом эттиромоқда.

Шуни ҳам таъкидлаш жоиз, нуроний ўшда ҳам навқирон ҳамда теран идрокка эга Саидвали Раҳмонов ўзининг билим ҳамда тажрибасини ёшлар, шогирдлари билан баҳам кўриб келмоқда. Бундай баҳт устозга янада куч-куват берадиган.

Қаҳрамонимиз босиб ўтган самарали ҳаёт ва меҳнат йўли барчага, айниқса, ёшлар учун чин маънода ибрат мактаби, десак, айни ҳақиқат.

**Акром ҲОШИМОВ,
иқтисодиёт фанлари
доктори, профессор, Халқаро
ахборотлаштириш академияси
ҳамда Нью-Йорк (АҚШ) фанлар
академияси академиги, «Халқ
сўзи» ва «Народное слово»
газеталари Бош мухаррири
ўринbosари.**

Кўп қиррали ходим сифатида у 2002 — 2007 йилларда «Ж.Жамшид» маҳалла фуқаролар йигини котиби сифатида фаолият кўрсатиб, маҳалла тизимини мустаҳкамлаш, фуқароларни бирлаштириш ва жамоавий муаммоларни ҳал этишда ўз ҳиссасини кўшди.

**Юкорида Саидвали акани ёшларга берган таълимтарбияси ҳақида бежиз тўхталмадик.
У 2007 — 2010 йилларда Самарқанд давлат лицейида тарбиячи сифатида ёшларни маънавий-ахлоқий, меҳнатсевар ва ватанпарварлик руҳида тарбиялашда ўзининг бой тажрибасини бўлишгани ана шу фикрларимиз тасдигидир.**

тида ишлаб, партия иши ҳамда маъмурӣ бошқарувда тажриба ортириди. Унинг раҳбарлигига партия ташкилотлари ва жамоат ишлари фаол олиб борилди. 1989 — 1991 йилларда Саидвали Раҳмонов Пайариқ туман партия қўмитасининг иккинчи котиби сифатида меҳнат килди. Ушбу даврда у сиёсий, иқтисолидий ислоҳотлар ҳамда жамоатчилик билан ишлашда катта масъулиятни ўз зиммасига олган эди ва буни аъло даражада улдалади.

Мамлакатимиз мустақилликка эришганидан сўнг, яъни 1991 — 1995 йилларда туман қишлоқ хўжалиги бирлашмаси раиси сифатида фаолият юритади. Туманда фермер

ҳокимининг биринчи ўринbosари сифатида фаолияти ҳам самарали кечди. Ушбу лавозимда у туманда ижтимоий-иқтисодий ривожланиш, йўл-транспорт инфраструктуруни яхшилаш, мактаб ҳамда соғлиқни сақлаш муассасаларини қўллаб-куватлаш ишларига масъул бўлди.

Қаҳрамонимизга маҳалла фаолияти ҳам бегона эмас. Кўп қиррали ходим сифатида у 2002 — 2007 йилларда «Ж.Жамшид» маҳалла фуқаролар йигини котиби сифатида фаолият кўрсатиб, маҳалла тизимини мустаҳкамлаш, фуқароларни бирлаштириш ва жамоавий муаммоларни ҳал этишда ўз ҳиссасини кўшди.

Муассислар:

Экология, атроф-
муҳитни муҳофаза
қилиш ва иқлим
ўзгариши вазирлиги

Ўзбекистон
маҳаллалари
уюшмаси

Савдо-саноат
палатаси

Ўзбекистон
Нодавлат нотижорат
ташкилотлари миллий
ассоциацияси

Тадбиркорлар ва
ишбилиармонлар
ҳаракати — Ўзбекистон
Либерал-демократик
партияси

Таҳрир ҳайъати:

Азиз АБДУҲАҚИМОВ
Қаҳрамон ҚУРАНБОЕВ
Акмал САЙДОВ
Актам ҲАЙИТОВ
Камолиддин
ИШАНХОДЖАЕВ
Даврон ВАҲОБОВ
Отабек ҲУСАНОВ

Бош муҳаррир
Мақсад
ЖОНИХОНОВ

“Шарқ” нашриёт-матбаа
акциядорлик компанияси
босмахонасида чоп этилди.
Манзил:

Буюк Турон кӯчаси 41.
Буюртма раками Г-510

Адади: 1600

Пайшанба куни чиқади.

Қоғоз бичими А-3,
ҳажми 2 босма табоқ.

Баҳоси келишилган нарҳда.

2024 йил 2 августда
Ўзбекистон Республикаси
Президенти хузуридаги

Ахборот ва оммавий
коммуникациялар агентлиги
томонидан 0010-рақам билан
ўйхатдан ўтказилган.

ISSN 2010-7722

Боғланиш учун
телефонлар:
99-994-70-52
98-111-48-29

Электрон почта:
jamiyat@mail.uz
Газета индекси – 131

“ЖАМИЯТ”дан олинган
маълумотларда манба
сифатида газета номи
кўрсатилиши шарт.

Топширилган вақти: 20:00
1 2 3 4 5 6

Шотландия:



ЭРКСЕВАР ЖАЛК, ШОНЛИ ТАРИХ

ВА МУСАФФО БОРЛИК

Европанинг турли мамлакатларида бир-бирига ўхшаш жиҳатларни кўплаб учратиш мумкин. Роман ва Барокко услубида қурилган тарихий бинолар, тирбандликка қарамай тартиб билан ҳаракатланаётган машиналар, илтифотли ва бефарқ одамлар – булар деярли ҳар бир Европа давлатида учрайди. Аммо шундай ўлкалар ҳам борки, улар ўзгача муҳит, ўзига хос рух ва тарихий фалсафаси билан ажralиб турди. Шундай масканлардан бири – Шотландия.

Шотландия деганда нима кўз олдингизга келади? Аслзодалар хуш кўрадиган қимматбахо виски, юбка кийган эрқаклар, ўзига хос мусика, олис тарих, бетакрор маданият... бу ўлка ўтмишда не-не машхур инсонларни ўзига жалб этмаган дейсиз? Америкалик машхур сиёсатчи Бенжамин Франклин “агар ҳаётимнинг сўнгти кунларини яшаётганимни олдиндан сезганимда, дархол Шотландияга жўнаган бўлардим” деган экан.

Дарҳақиқат, Шотландиянинг ўзига хос томонлари кўп. Бугунги кунда у алоҳида, мустақил мамлакат эмас. Буюк Британия ва Шимолий Ирландия Бирлашган қироллигинининг таркибий қисми, мамлакатнинг тўрт муҳим субъектидан бири.

Голливуд киноусталари ишлаган “Шерлок” фильми ва унда машхур актёр Мэл Гибсон яратган Уильям Уоллес образи ёдингиздадир? Фильм тарихий воқеаларга асосланган. Унда ўз ҳаётини халқининг озодлиги учун бағишлаган қаҳрамон жасорати акс этган. Уоллес бутун умр Шотландия мустақиллиги учун курашди, ана шу муқаддас орзу ўйлида жонини берди. Асрлар ўтсада, унинг номи унутилиб кетмади. Шотландияда Уильям Уоллес номи билан аталағидан қасрлар, кўчалар, майдонлар бор. Стерлинг, Эдинбург каби шаҳарларда унга хайкаллар ўрнатилган.

Шотландлар ўз мустақиллигини кўлга киритиши учун асрлар давомида кураш олиб борганига қарамай, ҳамон Британия таркибида қолмоқда. Ҳатто, 2021 йилда мамлакат парламенти мустақиллик учун референдум ўтказиши ҳақида қонун лойиҳасини маъқуллаган бўлсада, Британия Олий суди бу қонунни асосиз, деб топди. Ҳарқалай, Британия бугун Шотландияга ўзининг мустамлакаси эмас, тенг ҳукукли субъекти сифатида қарайди. Шотландларга мамлакатнинг бошқа худудлари аҳолисига қараганда кўпроқ ҳукуқ ва имтиёзлар берилган. Шотландия фуқаролари мамлакатнинг исталган давлат олий таълим масканда имтиёзли таълим олиши, бепул тиббий хизматдан фойдаланиши мумкин. Коммунал тўловлар ҳам бошқа худудларга нисбатан анча паст, маошлар эса юқори. Ким билсин, Британия ҳукумати шу ўйл билан уларни “овутмоқчи” бўлар?

Бундан ташқари Шотландиянинг ўз қонун коидалари, парламенти, вазирликлари, ҳатто ўз миллий валютаси бор. У инглиз фунт-стерлинги билан бир хил қийматда ва мамлакатнинг бутун субъектлари бўйлаб муомалага киритилган. Шотландия футболчилари Европа ва

фда одамлар, сайр қилувчилар кўп, аммо негадир шовқин, гавжумликни сезмайсиз.

Тарихий маълумотларга кўра, бу парк Шотландиянинг машхур колекционерларидан бири Уильям Баррелга (1861-1958) тегишли бўлган. Барреллар оиласи жуда катта бойлик ва шон-шуҳрат, айни пайтда Шарқ ва Фарбга оид 7000дан зиёд санъат асарларини ўзида жамлаган ийрик коллекция эгаси бўлишган. Уильям Баррель сўлим табиат қўйнида ўз қасрини барпо этиб, унинг атрофида хушманзара боғ яратган. Ҳозир парк худудида дунёнинг турли худудларидан келтирилган дараҳтлар ва гулларни учратасиз.

Боғ худудида ёғоч ўриниклар жуда кўп. Парк яратилган пайтда бу ерда исталган киши ўзининг якин одамлари ёки ўз номига битилган ўриниклар ўрнатиш ҳуқуки берилган. Шу тариқа боғ худудида бундай ўриниклар кўпайиб кетган.


Уильям Баррелнинг оила аъзолари ва фотодан сўнг парк худудида унинг номи билан аталағидан музей барпо этишга, шахсий коллекцияни шу музейга кўчиришга қарор қилишади. Бу музей ташкил этилганидан кирк йилдан ошган бўлсада, ундан турли замон ва маконга тегишли тарихий экспонатлар, тасвирий ва амалий санъат асарлари билан танишасиз. Бундан тўрт йилча аввал, Қиролича Елизаветанинг ташаббуси билан музейнинг янги биноси қурилади.

Ноанъанавий услугдаги музейнинг ёғоч шифти ўзимизнинг вассажуфтли хонадонларни ёдга солади. Балки, музей лойиҳасини яратишда чиндан ҳам ўзбек миллий меъморчилиги анъаналаридан фойдаланилгандир? Қолаверса, музейда Ўзбекистон тарихи ва маданиятига оид кўплаб осориатиклар, миниатюралар, кашталар ва бошқа экспонатларни кўриш мумкин.

Албатта, бир неча соатлик саёҳат таасусоти билан бутун Шотландияга мукаммал баҳо бериб бўлмас. Аммо, ушбу сафар шахсан мен кўрган манзаралар тасаввуримдаги Шотландиядан бир мунча фарқ қилишини англаш имконини берди.

Рустам ЖАББОРОВ





МАРД ЎГЛОНЛАР НОМИ БАРҲАЁТ

Элёр Усмонов 1981 йилда Каттакўрғон туманида туғилган. 2002-2008 йилларда ички ишлар органларида хизмат қилган. 2008 йилда Тошкент шаҳар ички ишлар бош бошқармаси ҳузуридаги қўриқлаш бошқармасининг 1-алоҳида милиция батальони 2-отряди милиционери лавозимида хизмат вазифасини бажариш чоғида жиноятчи томонидан етказилган жароҳат сабабли вафот этган. Ўзбекистон Республикаси Президентининг 2008 йил 27 августдаги Фармонига биноан вафотидан сўнг “Жасорат” медали билан мукофотланган.



Очилбой ака билан Маърифат опа Каттакўрғон туманинг Шўрак қишлоғидаги оддий ўзбек хонадони соҳиблари. Улар яхши ниятлар билан турмуш қуришди. Яратган бу фазилатли оилани тўрт нафар ўғил ва бир қиз билан сийлади. Тўнғичлари Элёржон болалигидан тиришқоқлиги ва кўзлаган мақсадларига эришишдаги фаоллиги билан тенгқўрлари орасида ажralиб турарди. Ай-

ниқса, унинг хулқ-одоби ўқитувчilarини ҳам, маҳалла аҳлини ҳам бирдек мамнун этар, бундан ота-она хурсанд бўлишарди.

“Куш уясида кўрганини қилади” дейди доно ҳалқимиз. Ота-онасининг машаққатли меҳнатлари ва тарбиялари билан ҳалол ризқланиб, яхши тарбия топган Элёржон ўрта мактабни битирибоқ Ватан ҳимоясига отланди. У ўзининг йигитлик бурчини Тошкент вилоятининг Бўстонлиқ ту-

манидаги ҳарбий қисмда ўтади. Бугунги кунда ҳарбий хизматга бориш иштиёқи барча йигитларда ҳам бирдек мавжуд деб айттолмаймиз. Аммо Элёр шундай тенгдошларидан фарқли ўлароқ, ўзидағи шижаат, дадиллик ва жасорат хислатларини намоён этиб, ҳарбий хизматда ҳам қисқа муддатда раҳбарият ва хизматдошларининг меҳрини қозонди. Чегара қўшинлари сағида хизмат қилган қаҳрамонимиз ўз хизмати давомида мақтov ёрликлар ва ташаккурномаларга сазовор бўлиши билан бирга, келажакда ички ишлар органларида хизмат қилишга муносиб эканлиги хақидағи тавсияномага ҳам лойиқ топилди.

Элёрим бошқача эди. У билан гаплашиб тўймасдим. Ўша йиллари мен оғир дардга чалингандим. Тошкентда ишлашига қарамасдан кунда-кунора дори дармонимни кўтарганича ҳол сўраб кетар, унинг меҳри бўлакча эди. Болам шунча йўлдан овора бўлиб, келиб-кетиш сенга зарурми, укаларинг бор, ҳаммаси яхши, кўп уринмагин, дейишимизга қарамай, одатини канда қилмасди, — дейди Элёрнинг отаси Очил бобо.

Ха, турмушнинг мушти оғир ва залворли. Яратган бандаларини турли синовлари билан синайди. Бугун ака ва

Маърифат ая фарзандларининг барчаларини уйли-жойли қилиб, бир этак баҳтиёр неваралар оғушида умргузаронлик қилишмоқда. Аммо “ўнта бўлса, ўрни бошқа” деганларидек, Элёржоннинг ўрнини ким ҳам тўлдира оларди?

Машойихларимиз: “Ким нимага эргашса, фақат одоб билан эргашади. Ким нима билан куласа, фақат беододлик билан кулайди”, деганлар. Яхши одоб аслида нафснинг камолотга етгани, унинг интизомлилиги, жиловланганиги ва яхшиликда эканлигининг аломатидир. Фазилат наслу насаб билан эмас, балки одоб билан топилади.

Президентимиз ташаббуси билан Элёржон Усмонов каби фидойи ватандошларимиз фолиятларига бағишлиб китобчиқарилганлиги жуда қувонарли ва катта аҳамиятлидир. Бундай хотира китобларининг аҳамиятини мен Очил ака хонадонига борганимда яна бир бора хис қилдим. Оила аъзолари айниқса, ота китобдаги фарзандининг расмига қараб, унинг тагидаги ёзувларни ўқиб, гўёки дилбанди билан гаплашаётгандек эди назаримда.

Қаюм СОБИРОВ,
Ўзбекистон Ёзувчilar
уюшмаси аъзоси




Унутмас мени боғим

Иchan қалъя давлат музей-қўриқхонаси ҳудудидаги тарихий-меъморий ёдгорлик — Қози Калон мадрасасида “Хоразм мусиқа тарихи” бўлими жойлашган бўлиб, бу ерга ташриф буюрган сайёхлар воҳа санъати тарихи, машҳур хонанда ва созандалар ҳаёти ҳамда фаолиятига оид нодир осориатиқалар, маълумотлар билан яқиндан танишиш имкониятига эга.

Яқинда Ўзбекистон, Туркманистон, Қорақалпоғистон ва Татаристон халқ артисти Отажон Худойшукуров ҳаёти ва ижодига бағишлиган доимий кўргазма ташкил этилди. Унинг очилиш маро-

симида Хоразм вилояти ва Қорақалпоғистон Республикасининг Тўрткўл, Элликқалъя ҳамда бошқа туманлардан маданият соҳаси меҳнат фахрийлари, ҳофизнинг дўстлари, шогирдлари, ка-



Кўргазма

риндошлари, мухлислари, шунингдек, сайёхлар иштирок этишди.

Тадбирда сўзга чикканлар Отажон Худойшукуровнинг беназир иқтидори ва ўзбек санъатини дунёга танитишдаги улкан хизматлари, ибратли инсоний фазилатларини фаҳр ила тилга олдилар.

Отабек ИСМОИЛОВ,
музей-қўриқхона матбуот котиби.